

ЛҮИМА СЭРИПОС

22 февраля
2018 года
№4
(1166)

Общественно-
политическая газета
Ханты-Мансийского
автономного
округа-Югры

www.khanty-yasang.ru

E-mail: gazeta@khanty-yasang.ru

Основана 11 февраля 1989 года



Е. Адина вѣрум хури

Ты хуриг Егор Шмонин пѳетым блы. Тав Хальѳе район Хулѳомсунг
пѳавыит блы. Егор «Лыжня России» товны касым порат нѳх-патгыс.
Мѳн таве янытлыуѳ, ты урыг 7 лѳсыт ловиньтѳн.

Ты
номерт
ЛОВИНЬТѳН:

Ёмас хул
пувунѳке
рѳви

2

Ѐгит-пыгыт
яныг ѳст
ханищтахтуѳке
вѳрмѳгыт

4

Хум хѳтпат
ялпыѳ
хѳталы
янытлыянѳв

7

Хуньт
хот-хультуптым
мѳтрат

11

Ѐст ѳлнѳ
мир товтыл
касыт

16

КАСНЭ ВАРМАЛЬ

Хум хөтпат ялпың хөталыл янытлыянүв

Елена Адина, Хулюмсүнт павылт өлнэ нэ, мөлтү таквс тав Максим пыге армиян лусытаңкве вуйвес, ань ты өвылтыт моц китыгласлум. Тән Адиныт ос Алгадьевыт колтагланыл яныг, пуссын кәркам хөтпаг өлэгыт, хум хөтпат мацтырыг колыт үнттэгыт, вораегыт, хул алыщлэгыт.

Ань Лена такви хум хөтпанэ урыл тох хансыс: «Максим пыгум Самара үст лёңхыт уральтан комендантский батальонт лусыты. Тав мән етув үщлахтын хөталыт ватихал потырты. Ләви, тавән тот пумыщ ос ёмас.

Школа асламе юипалт Максим Воронеж үс пөхат Семилукский политехнический колледжит электрикыг ханищтахтас. Ос юв ёхталаме порат компрессорный станцият рупитаңкве алымас, тувыл ты армиян та минас.

Саша ойкам 1985 талныл 1987 тал мус Германия мат Мальвинкель үст лусытас. Ты элы-палт Чебаркуль үст разведка тэлан ха-

нищтавёсыт ос тувыл мөт хөн мән кетвёсыт. Тот тав яныг сержантыг лусытым өлыс ос юв та ёхтыс.

Өвлэт Саша Омск үст речной училищат мотористаг ханищтахтас. Тувыл армияныл ёхтуме юи-палт уц Хулюмсүнттыт «газотурбинных установок» нампа мән машинист-хөтпаг рупитаңкве патхатас, таваньтыг мус ват тал тот ты рупиты.

Константин Георгиевич Адин, Саша тав атятэ ос Максимум опатэ, тэнатэн таксарыг өлуңкве ханищтасаге, мәнъягыл ворааяңкве ос хул алыщлаңкве ёт тотыгласаге. Ты хум хөтпанум ам ялың хөталыл янытлыянум, пустагыл вос өлэгыт.



Максим лусытан юрт пыге ёт

Ос пыгкёв молях юв вос ёхтыс.

Тувыл Лена мөт пумыщ вәрмалит урыл ос хансыс. Ты этпос аквхуйплов хөталэт Хулюмсүнт павланылт товтыл хайтнэ касыл өлыс. Ты вәрмаль спортзаланылт рупитан

хөтпатн щёпиталвес. Павлың махум халт ват хөтпа касуңкве ёхталасыт. Тән янгемане рутаныл ёт тув ялмыт.

Лов тал яныт няврамыт халт өвыл места Надя Алгадьева вис, Егор Шмонин хурмит местатэ магыс дипломыл майвес. Яныгнув агит-пыгыт халт Катя Алгадьева нөхпатыс. Нэ хөтпат каснэ вәрмальт Людмила Алгадьева өвыл места вис, Светлана Боженко китыт местат өлыс ос хум хөтпат халт Анатолий Алгадьев нөхпатыс.

Тамле кәркам мәнщи махум Хулюмсүнттыт ты өлэгыт. Мән тананылн паца латың кетэв, пус кат, пус лагыл вос өлэгыт, Най-Отыранылн вос үргалавет.

Тамара МЕРОВА

